

ՄԵՍՐՈՊԱՎԱՆԻ, ԾՐԶՈՒԻ, ՈՂՈՀԻԻ ԵՎ ՆՈՐԱԿԵՐՏԻ ԺԱՐՏԱՐԱՊԵՏԱԿԱՆ ՀՈՒՇԱՐՁԱՆՆԵՐԸ

Գողթն գավառի (այժմ Նախիջևանի ԻՍՍՀ Օր-
ուրադի շրջան) ամենամեծ ձորի՝ Գիլան ձորի
կամ Բատաձորի ամենավերին մասերում, Զանգե-
զուրի լեռնաշղթայի բարձրադիր լեռների փեշերում
տեղադրված այս գյուղերը գավառի վաղեմի բնա-
կատեղիներից են: Իրենց տեղադրվածությամբ
բնակատեղիները և նրանց ճարտարապետական
հուշարձանները գտնվելով բանուկ ճանապարհներից
մեծու, լեռնային գոտիներում, հնուց ի վեր դուրս
են մնացել ուսումնասիրողների տեսողաշտից: Գրա-
կանության մեջ (Հ. Ղ. Ալիշան, Ե. Լալայան)^{*} քիչ
թե շատ հայտնի է միայն Մեսրոպավանը և նրա
վանքը:

Հռովածում ներկայացվող հուշարձանները, ինչ-
պես նաև չմոտարակված արձանագրությունները
(10) օգնում են այդ վտղեմի բնակատեղիների անց-
յալի ուսումնասիրման գործում և լրացնում են
Գողթնի 17—18-րդ դարերի ճարտարապետական
համալիրների ամբողջությունը:

* * *

Ա. Բատաձորի հարավ-արևելյան ձորակներից մե-
կում, գեղեցկատես լեռների փեշին տեղադրված է
Գողթնի հին գյուղերից մեկը՝ Մեսրոպավանը (այ-
ժմ՝ Նախիվազ): Պատմական աղբյուրներում և
ավանդաբար այս գյուղը անվանվել է ճառ Մա-
րեան, Մարվանիս, Նախիվազ: Ըստ ավանդության
գյուղի անվանակոչումը կապված է Մ. Մաշ-
տոցի անվան հետ, որը երկար տարիներ բնակվել
է այդտեղ: Ըստ իս այս ավանդությունը հավաստի

պետք է համարել Կորյունի հաղորդած այն տեղե-
կություններով, որ Մ. Մաշտոցը հաճախակի է բնա-
կություն հաստատել Գողթն գավառում և տրտմական
հոգսերով պաշարվել, խորհել հայկական գրերի
տեղեման շուրջը¹: Մեսրոպավանը շրջապատող
Նավասար կամ Տապանասար (Գլամիդյան), Կըռ-
նակոչ, «Գալիս եմ, Գալիս եմ» և այլ լեռները
իրենց սլառական անցյալով կապված են հայ ժո-
ղովրդի ավանդությունների հետ: Հայ ժողովրդի ա-
վանդությունների մեջ հայտնի լեռ է հատկապես
Նավասարը: Ըստ ավանդության Նոյ ճահապետի
տապանը համատարած ջրհեղեղի ժամանակ դիպել
է այս լեռան գագաթին և վնասվել է մի քանի
տախտակներ: Սարն ասել է տապանին: Երբ ի
Մասիս, նա բարձր է քան գիս: Դրանից հետո այդ
սարի անունը մնացել է որպես Տապանասար, Նա-
վասար²: Վերջին տարիներում Տապանասարը գի-
տության առջև բացել է նոր գաղտնիքներ՝ նրա
վրա հայտնաբերվել են ժայռապատկերների մի
շարք գոտիներ, որոնք հար և նման են Սյունիքի,
Գեղամա լեռների ժայռապատկերներին: Հետաքր-
քիր է ճառ այն հանգամանքը, որ Տապանասարի
հարավ-արևելյան լանջի մոտ գտնվող Կոնակոչ լե-
ռան ստորոտում գտնվում է բնական և հետաքր-
քիր մի անձավ, որը մինչև այժմ էլ կոչվում է
Մաշտոցի անձավ: Ըստ ավանդության, Մեսրոպա-
վանում մինչև քրիստոնեական վանքի կառուցումը,

¹ Կորյուն, Վարք Մաշտոցի, Եր., 1969, էջ 97: Մ.
Արեղյան, Մ. Մաշտոցը և հայ գրի և գրականու-
թյան սկիզբը («Սովետական գրականություն»), Եր.,
1941, № 1, էջ 48:


² Ա. Ղանալանյան, Ավանդաբարում, Եր., 1969,
էջ 12:

* Հ. Ղ. Ալիշան, Միսական, Վենետիկ, 1893: Ե.
Լալայան, Գողթն (ստանձնատիպ «Ազգագրական
հանդեսից»), Թիֆլիս, 1906:

այդ անձավում Մ. Մաշտոցը իր աշակերտների հետ բնակվել է 17 տարի³:

Մեսրոպավանը և նրա շրջակայքը հնուց հայտնի է եղել մի շարք հուշարձաններով՝ որոնց թվում նշանավոր է ս. Գրիգոր վանքը, որը հետագայում

գործել է Մեսրոպավանի ծխական դպրոցը: Այժմ այս վանքի միակ կիսականգուն հուշարձանը նրա եկեղեցին (նկ. 1) է: 1980-ական թվականների երկրաշարժից քանդվել է եկեղեցու գմբեթը, գավիթ-սրահը, որից հետո այն մասնավելով անուշադրու-



Նկ. 1. Մեսրոպավանի Ս. Գրիգոր կամ Ս. Մեսրոպ Մաշտոց վանքը

վերանվանակոչվել է Մ. Մաշտոցի անվամբ: Այս վանքը, որը գտնվում է գյուղի արևմտյան կողմում, Այանգեազ փոքրիկ վտակի աջ կողմում գտնվող մի հարթ տարածության վրա, այժմ կիսակործան վիճակում է: Ըստ ավանդության այս վանքի սկզբնական շինությունը կատարել է Գողթնի Ծաբիթ իշխանը, 458 թ.:

Մեսրոպավանի Մ. Մաշտոց եկեղեցու հիմնման և վերանորոգումների մասին գրավոր աղբյուրներում տեղեկություններ չեն պահպանվել: Դատելով վիճագիր արձանագրությունների տվյալներից, պետք է ենթադրել, որ այս եկեղեցին վերանորոգվել է հիմնականում 15-րդ և 17-րդ դարերում: Այն գյուղի բնակիչների ջանքերով վերանորոգվել է նաև 19-րդ դարի վերջերին: Այս եկեղեցուն կից՝ մինչև 1915 թ.,


թյան ավելի է խաղաղվել: Մ. Մաշտոց վանքի եկեղեցին արևելք-արևմուտք ձգված, ուղղանկյուն հատակագծով (նկ. 2) քառամույթ գմբեթակիր հուշարձան է, որը կազմված է խորանից, զույգ ավանդատներից և աղոթասրահից: Եկեղեցու չորս մույթերի վրա վեր է խոյանում ութ լուսամուտներով մեծ գմբեթը, որի արևելյան մասում տեղադրված է եղել նաև փոքրիկ զանգակատուն: Մ. Փափազյանը, որը մի քանի տուփով նկարագրել է այս եկեղեցին, սխալմամբ նշել է որ այն «առանց կաթուղիկ է, նման Պիստու եկեղեցույն...»⁴:

Մ. Մաշտոց եկեղեցու ներքնամասը սփռված է, որի վրա նկատվում են որմնանկարների բեկորներ: Ըստ Ե. Լալայանի տվյալների, եկեղեցու. «սեղանը

³ Ա. Ղանադանյան, Ուլ. աշխ., էջ 37:

⁴ Մ. Փափազյան, Գողթան գավառ (լուսանկարչական ալբոմ), Վաղարշապատ, 1891, № 296:

զարդարում է Ոսկան Ոսկանյանի նուիրած բաժանված գեղեցիկ պատկերներով⁵։ Եկեղեցին արտաքինից անշուր է թվում, կառուցված է սրբատաշ և կիսամշակ բազալտաման քարերից։ Միակ մուտքը գտնվում է արևմտյան ճակատում, որը բացվել է զավիթ-սրանի մեջ։ Լուսամուտները մեղ բացվածքներ ունեն։



Նկ. 2. Ս. Մարոպ Մաշտոց եկեղեցու հատակագիծը

Եկեղեցու արևմտյան ճակատին կցված է եղել մի զավիթ-սրանը, որը ըստ իր հորինվածքի կառուցված է եղել չորս մույթերի օրինակով։

Մ. Մաշտոց վանքը ունեցել է մեկ մի շարք արձանագրություններ, որոնց մի մասը ժամանակին հրատարակել է Է. Լալայանը։ Այժմ այդ արձանագրությունների մեծ մասը տեղում չկա։ Եկեղեցու մեջ ընկած մի խաչքարի խաչի շուրջը և նրա տակ՝ ինը տող.

- 1 Խ(ա)չս
- 2 [կան]կնկ
- 3 [1]իշ(ա)տ(ա)կ
- 4 Թադոսին [և մար]

⁵ Ե. Լալայան, Գողթն, էջ 87։

5 Գուհար[ից և հար]

6 Ազիզբե[կից]

7 Ամիրջանի Սիր

8 ունիկին

9 թվ [ՋԹ] (1469)⁶

Եկեղեցու պղնձ ձևավոր և ութ թեանի մեծ խաչի վրա՝

1 1903 թ. ՅՈՒ(Ի)ՆԻ(Ս)

2 Յ(Ի)ՍԱՍԱ(Կ) է ԳՈՒԼԿԱՐԹ Յ.

Այս պղնձաձուլ խաչի ներքևում՝ շրջանաձև սկավառակի վրա Գ, Մ, Ծ և Խրկու այլ անընթեռնելի տառեր։

Եկեղեցու մոտ, ծառից կախված պահպանվում է նրա գեղեցկատես զանգը (ճկ. 3)։ Այս զանգը*, որի իր վրա կրում է արձանագրություն և պատկերաձևակերպ, ձուլվել է 1894 թ.։ Արձանագրությունը գրված է ռուսերեն՝ հին ռուսական կիրիլյան այբուբենի գեղագիր տառերով, զանգի ներքևի մասում.

1894 ГОДА ОТЛИТЬ ЕВ. ДЕ НАСЛЕДНИНЫ НИКОЛАЮ АЛЕКСЕЕВИЧУ ГОРОДЕ СЛОБОДСКОМЪ ЕЮТСКОЙ ГУБЕРНИИ.

Մ. Մաշտոց վանքի հյուսիսային կողմում գտնվում է Մարոպավանի գերեզմանատունը, որը ունի մեկ մի շարք հին տապանաքարեր։ Գերեզմանատանը աչքի է ընկնում մեկ խոյաքանդակ-տապանաքարերը, որոնցից մեկը ունի թվակիր արձանագրություն (ճկ. 4)։

1 ԱՅՍ ՏԱՊԱ(Ն) է

2 ԹԱԹՈՒՍԻ ՈՐԳԻ


3 ՈՂԱՆՁԱՆԻՆ ԹՎ ՌՄԼ(1681)

• •

Բ. Մարոպավանից 5—6 կմ դեպի հարավ-արևմուտք, Ղազարի սար կոչվող բնակավայրում, բավականին խորը ձորի դարավանդներից մեկի վրա տեսանելի են Գողթնի հին գյուղերից մեկի՝ Շրջուի, Սրջուի կամ Սարճուի (Սարջու) ավերակ հետքերը։ Շրջուն, որ կարող էր բնակվել 50—80 տուն բնակչություն, փաստորեն 19-րդ դարի երկրորդ կեսերից լքված և անմարդաբնակ էր, որի ավերակ շինությունները տարիներ շարունակ հարևան Տևի, Թիվի գյուղի անասնապահների համար ծառայում է որպես ամատանոց։ Պետք է ենթադրել, որ Ռուսաստանի Խերսոնի մարզի Գրիգորյուլ քաղաքի

⁶ Այս արձանագրությունը 1—3 տողերի բացակայությամբ և որոշ տարբերությունով տե՛ս Ե. Լալայանի մոտ (ճկ. աշխ., էջ 87)։

* Մարոպավանի զանգը հար և նման է պատմական Ատրպատականի նահանգի Արտազ զավառի հուշակավոր ս. Թադևի վանքի զանգերից մեկին, որը ամենացն հավանականությամբ ձուլվել է նույն ձուլարանում, 1886 թ. (զանգի լուսանկարը տե՛ս Լ. Գ. Սինատևան, Լրանի հայկական վանքերը, Թեհրան, 1971, էջ 89)։



Նկ. 3. Մեսրոպականի Ս. Մեսրոպ Մաշտոց եկեղեցու զանգը

Ֆայկական եկեղեցիների՝ ա. Աստվածածնի և Պողոս-Պետրոսի, մերձակայքում եղած տապանաքարերից երկուսի վիմագրերում նշված սրբաբանի, սրբավայրերը Շրջուից տեղափոխվածներ են կամ էլ վաճառականական դասի ներկայացուցիչներ.

1. «Այս է տապան Բանգաստեան արևելցի և ի քաղաքեն Նախնականի և ի գիղեն Սրբավայրի մահաւաի Պերխուդարի կողակից Կեստամանին, որ Բանգեաւ թվ ՌՇԺԹ (1870)»:

2. «Այս է տապան Բանգաստեան արևելցի և քաղաքեն Նախնականի և գիղեն Սրբավայրի Պապաջանի որդի մահաւաի Գիֆըդեն ... թռէ (տրէ) ամսին, որ Բանգեաւ է թվին ՌՇԳ (1714)»:

⁷ Хр. Кучук—Иоаннесова, Армянская надпись вы г. Григориополь Херсонской губернии, Древности восточная. (Труды восточной комиссии Императорского Московского Археологического общества), том второй, выпуск 1, Москва, 1896, стр. 126.

Շրջուն Գողթնի գյուղերի թվում Ռիշատակվում է Ագուլիսի ա. Թովմա վանքի տաճարի արևմտյան մուտքի բարավորի 17-րդ դարում քանդակված արձանագրությունում. «Եւ Շրջու ընդ Մասրեւան»⁸: Շրջուի այժմյան ավերակներում կիսախարխուլ վիճակում կանգուն է նրա եկեղեցին (նկ. 5), որը կառուցված է վաղեմի գյուղի Ռյուսիս-արևելյան լեռնալանջի փեշին: Այս եկեղեցին, որը ըստ իր հատակագծի (նկ. 6) եռանակ բազիլիկա է, կառուցված է սրբատաշ քաղալից և տեղական քարերից, ունի չորս մույթեր և մեկ մուտք՝ արևմտյան ճակատում: Եկեղեցու խորանը հնգանիստ կազմություն ունի, որը իր երկու կողմերում ունի ավանդատներ: Խորանի, ավանդատների և շինության այլ մասերում թողնված են հատուկ թարգմտոցներ: Եկեղեցու ավանդատները և խորանը լուսավորվում են արևելյան որմի մեկական նեղ լու-

⁸ Հ. Ղ. Ալիշան, նշվ. աշխ., էջ 326: Ե. Լալայան, Գողթն, էջ 69:



Նկ. 4. Խոլաձև տապանաքար Մեսրոպովանի գերեզմանատանը

աամուտներով, իսկ աղոթարանը՝ հարավային որմի համանման երեք և արևմտյան ճակատի մեկ մեծ և երկու նեղ լուսամուտներով: Եկեղեցին թեքադիր չապրում տեղադրված լինելու հանգամանքով հյուսիսային որմում լուսամուտներ չունի:

Ծրջուի եկեղեցու արևմտյան ճակատին կցված է նրա գավիթ-սրահը, որը գրավում է եկեղեցու ընդլայնական ամբողջ ճակատը: Այժմ այդ գավիթ-սրահը կիսակամգուն է, որը կառուցված է չորս մույթերի հորինվածքով: Գավթի հյուսիսային և հարավային ճակատները ևս կամարակապ բացվածքներով բաց են: Արևմտյան ճակատի չորս մույթերի կամարները մատած են եկեղեցու արևմտյան որմի սրտմուկների վրա:

Ծրջուի եկեղեցու շրջակայքում տեսանելի են մի քանի շինությունների ավերակ հետքեր, որոնք ժամանակին առնված են եղել պարսպի մեջ: Ինչպես Ծրջու գյուղի, այնպես էլ նրա եկեղեցու հիմքման, անվան և վերանորոգումների մասին տեղեկություններ հազտի չեն: Ե. Լալալյանի ուսումնասիրության ժամանակ եկեղեցու բնի շարվածքում տեղադրված է եղել մի խաչքար այս արձանագրությամբ.

«Յիշատակ է խաչս մանուկի Անտիսի որդու
ուստա
Յուսէփին թվին ՌՄԻԹ» (1680):⁹


Կարելի է ենթադրել, որ Ծրջուի եռանավ բազիլիկայի այժմյան կանգուն շինությունը վերանորոգվել է 1680 թ., ուստա Յուսեփի կողմից: 1780 թ. Մարգար գրչի ձեռագրերից մեկի հիշատակարանում ճշված է Ագուլիսի ս. Թովմա վանքի միաբանական դասի անդամների անունները, որոնց թվում նաև «Ալեքսանդր վարդապետն Ծրջուացի»-ն¹⁰, որը ըստ երևույթին Ծրջուի եկեղեցու առաջնորդն է եղել:

*
*
*

Գ. Մեսրոպովանից 4—5 կմ դեպի հյուսիս-արևմուտք, Բառաձորի ապարածոտ լեզվակներից մեկի վրա, Թավաքալի անվանվող լեռան փեշին փոխված

⁹ Ե. Լալալյան, Գողթն, էջ 92:

¹⁰ Լ. Ոսկեան, Վասպուրական-Վանի վանքերը, Բառա, Վիեննա, 1942, էջ 715:



Նկ. 5. Ծրջուի եկեղեցու արևմտյան ճակատը

Է Գողթնի հին հայկական գյուղերից մեկը՝ Ողոհին, Աղահեցիկը, որը այժմյան Օրդուբադի շրջանի Ալահին գյուղն է։ Ողոհին, որը գտնվում է Գողթնի ճշմարտորդ ավաններից մեկի՝ Բիստի, մոտ, նրանից 2,5 կմ դեպի հյուսիս-արևելք, հնուց ի վեր միջին մեծության բնակատեղի է եղել։ 1827 թ. այդտեղ բնակություն են հաստատել պարսկահայերը, որոնք գաղթել են Մածանքարից, Ղարադաղից և Սալմաստից։

Ստ. Օրբելյանի պատմության մեջ Երնջակ գավառի գյուղերի թվում, Բիստի և նրա հարևան բնակատեղիների շարքում հանդիպում ենք Ողոհի, Ոզոհի անվանը¹¹, որը ըստ մեր տեղադրության, այժմյան Ալահին գյուղն է։ Ողոհին այնուհետև Աղահեցիկ անվանակոչմամբ տեղ է գտել նաև Ագուլիսի և Թովմա վանքի եկեղեցու արևմտյան մուտքի բարավորին 17-րդ դարում քանդակված արձանագրությունում¹²։ Պատմական Ողոհի-Աղահեցիկ-Ողո-


հեցիկ գյուղի շրջակայքի և գերեզմանատան ուսումնասիրությունը ցույց է տալիս, որ այդտեղ մարդիկ բնակություն են հաստատել վաղ միջնադարից։ Գյուղի արևմտյան մասում գտնվող գերեզմանատանը կան 14—15-րդ դարերի մի քանի խաչքարեր, տապանաքարեր։ Ողոհին ճշմարտորդ է հատկապես իր կամուրջով, ս. Ստեփանոս եկեղեցիով և ս. Խաչ վանքով։ Վերջինս այժմ ավերակ է և վեր է ածվել մատուռի։ Այդ վանքատեղի ուսումնասիրությունը վկայում է, որ այժմյան մատուռի տեղում մինչև 19-րդ դարի վերջերը եղել է եկեղեցի։ Այս վանքը ըստ ս. Ստեփանոս եկեղեցում պահպանվող արձանագրության, 17-րդ դարում ունեցել է մեծ կալվածատիրության։

Ողոհիի ս. Ստեփանոս եկեղեցին, որը գտնվում է գյուղի կենտրոնում, կառուցված է տեղական գորշ և սրբատաշ քարերից։ Ունի գմբեթավոր քառամույթ բազիլիկայի հորինվածք, որի միակ մուտքը գտնվում է արևմտյան ճակատում։ 1930-ական թվականների երկրաշարժից ավերվել է եկեղեցու զբմբեթը, հարավային ավանդատան, աղոթասրահի ծածկի մի մասը և որմերում ունի վտանգավոր ճեղքեր։ Այս եկեղեցին ինչպես արտաքինից, այնպես էլ ներսից անշուք ու հասարակ է։

¹¹ «Ստեփանոսի Միմեաց եպիսկոպոսի Պատմությունն տանն Սիսական», Մոսկվա, 1861, էջ 378։ Ղ. Ալիշան, Սիսական, էջ 344։

¹² Հ. Ղ. Ալիշան, Սիսական, էջ 326։ Ե. Լալայան, Գողթն, էջ 69։

Ա. Ստեփանոս եկեղեցու հիմնման ու նորոգումների մասին գրավոր տեղեկություններ չեն պահպանվել: Ըստ եկեղեցու որմնաշինության տեղադրված և ներսում գտնվող արձանագրությունների տարեթվերի մատնանշմամբ, այն վերանորոգվել է 17-րդ դարի կեսերին: Հետագայում շինությունը, ըստ մուտքի կամարից վերև, ամմիջապես լուսամուտի տակ տեղադրված մի փոքրիկ խաչքարի արձանագրության վերանորոգվել է՝



Նկ. 6. Ծրցուի եկեղեցու հատակագիծը

- 1 ՀԱՍԱՐԱԿ(ՈՒ)Թ(ԵԱՄ)Բ
- 2 ՆՈՐՈՔԷՑԻՄԲ
- 3 Ս(ՈՒ)ՐԲ ԵԿԷՂԷՑԻՍ
- 4 Ի 1906 ԹԻՎ

Եկեղեցու հյուսիսային ալանդատան մուտքից վերև տեղադրված մի գեղարանգակ փոքրիկ խաչքարի խաչից ներքև, հարթեցված մասում 5 տող:

- 1 Խաչ(ս) յի(շա)տակ է տ(Է)ր
- 2 Մ(և)սրոքին և իս[ր]
- 3 կողակիցին Գու
- 4 ին թվ Ռ
- 5 Ը (1651) ի[Գ]

Եկեղեցու հարավային ալանդատան մուտքից վերև տեղադրված փոքրիկ խաչքարի վրա երկու տող՝

- 1 Խ(ա)չս յի
- 2 շա(տա)կ է [թվ] ՌԸ (1651)
- Եկեղեցու մեջ բնկած և կոտրված խաչքարի խաչի քանդակից ներքև չորս տող.
- 1 Թ(վ) Ռ: (1558)
- 2 [խ]աչս յիշա
- 3 տ(ա)կ տ(Է)ր Մ(ար)տ(ի)րո
- 4 պին

Մեկ այլ կոտրված խաչքարի ներքևի մասում 5 տող, որի տողերի սկիզբները բացթողման է.

- 1 [խԱՉՍ ՅԻ]ԵԱՍԱԿ
- 2 [Է...ՐՈՍԻՆ]
- 3 ...ՏԱՆ
- 4 ... [թվ] Ռ.Կ.Է (1618)
- 5 ...Խ..

Ինչպես վերևում նշեցինք, այս եկեղեցում գտնվում է ս. Խաչ վանքի կալվածատիրական արձանագրությունը: Վերջինս կազմված է 14 տողից և քանդակված է մոտ 0,45 մ լայնություն և 0,70 մ բարձրություն ունեցող մի հարթեցված քարի վրա՝

- 1 ԱՅՍ Է Ս(ՈՒ)Ր Խ(Ա)ՉԻՍ ԱՄԻՆՅԱՉ
- 2 ԵՆ ԱՆԼՄԱՆ ԼԲ ԵՆ ԿՈՂՄԻ
- 3 Յ ԿՈՂՄ ԿՈՂ ՎԵՐԵՑԻՆ
- 4 ԿՈՂՄ ԶԵՆՍՈՒՈՎ ՄԱՆԱԲԱՐ
- 5 ՄՐԿԻ ԱՆԲԸ ԶՈՐԻ ԱՇԱՐԷ
- 6 ՎՄՈՒՎ ԿՈՂՄԻՑ ԿԵՌԻՐ
- 7 ՎԵՐԵՆ Ս(ՈՒ)Ր Խ(Ա)ՉԻ ԱՂԻ ԶՈՐԸ [Վ]
- 8 ԵՐԵՆ ԿԵՂԻ Ղ... ՅՈՒՍԻՍ
- 9 ՄԻՆ ԿՈՂՄ(Ի)Ց ՂԱԼԱՄԱ
- 10 ԲՈՒՆ ԶՈՐԸ ՎԵՐԵ ՂԱՐԱ
- 11 ԲԱՂՈՒ ՄԱՆԱԲԱՐԻ
- 12 ԿԱ(ՄՈՒ)ՐՁԻ ԱՂԵՒՐՆ ՄԱ
- 13 ՆԱԲԱՐԸ ԻՆՈ(Ի)Մ Է ԿՈՒՂՈՒ
- 14 Մ ԿՈՒՂՈՒՄ ԿԱԿԱԹԸ ԹՎ ՌԾԺԲ (1663)

Այս արձանագրության մեջ հիշատակվող տեղաբնակներից մի քանիսը այժմ էլ աղյակն անվանակոչվում են:

Ողոհիի հուշարձաններից ուշադրության է արժանի նաև նրա կամուրջը (նկ. 7): Վերջինս, որը կանգուն է, կառուցված է Գիլանի վտակի վրա: Իր կազմությամբ երկկամար հորինվածք ունի, որի կառուցվածքը իրականացված է ճեղքված որձաքարերից և մասամբ էլ մաքուր տաշած բազալտ քարերից: Կամրջի երկու կամարները իրենց բացվածքներով ունեն տարբեր չափեր, որը բխում է սեռանքի թելադրանքով: Չափակողմյան կամարը իր բացվածքով և թռչքով զգալի չափով փոքր է աջակողմյան կամարից: Կամրջի թաղերի կամարները և ճակատները շարված են խճամքով, որի պատճառով այն լավ է պահպանվել և մինչև այժմ ծառայում է իր նպատակին:

Համանակա է ներառել, որ այն կառուցված է եղել 1663 թ. առաջ, քանի որ այս կամուրջը հիշատակված է ս. Խաչ վանքի 1663 թ. արձանագրության մեջ: Կամուրջը կառուցված լինելով լեռնային տարանցիկ երթուղիներից մեկի վրա, դարձել է շարունակ Գողթնի և Երեզանի գլխավոր բնակատեղիների մի մասը կապել է իրար: Այդ կամրջով է



Նկ. 7. Ողոմի-Աղաճեցիկի կամուրջը

անցել նաև Գողթնից Ղարաքաղ մեկնող ճանապարհներից մեկը, որի համար էլ ա. խաչի արձանագրության մեջ այն անվանվել է «Ղարաքաղու ճանաքարի կա(մու)րջ»։ Գիլան գետի վրա կառուցված ավելի քան վեց կամուրջների շարքում Ողոմի կամուրջը 17-րդ դարի հետաքրքիր ճարտարապետական հուշարձաններից մեկն է համդիսանում։

•
• •

Դ. Գողթնի հնամենի գյուղերից մեկը՝ Նորակերտը, որը այժմ անվանվում է Նիրգուդ, գտնվում է Բստանորի ամենավերին մասում, Զանգեզուրի լեռնաշղթայի բարձրադիր գոտիներից մեկում։ Այս գյուղը տեղադրված է բավականի խորը ձորի մեջ, շրջակա լեռներն ու բլուրները պատած են բազմազան բուսականությամբ, անտառներով ու պուրակներով։

Գյուղի հուշարձանների թվում հետաքրքրական է նրա եկեղեցին, վաղեմի քերդը և գերեզմանատունը, որոնք այս կամ այն չափով խոսում են բնակատեղիի 14—18-րդ դարերի կյանքի մասին։ Նորակերտի հարավային մասում, գյուղ մտնող ճանապարհի ձախ կողմում գտնվող գերեզմանատան ու շրջանի տապանաքարերի և խոյաքանդակների թվում կան նաև մի քանի 14—18-րդ դարերին

պատկանող տապանաքարեր։ Գյուղի հյուսիս-արևմտյան կողմում, անմիջապես գյուղի մոտ գտնվող մի քրգան լեռան վրա տեսանելի են քերդի պարիսպների և այլ շինությունների հետքեր։

Նորակերտի հուշարձաններից աչքի է ընկնում նրա եկեղեցին, որը այժմ կիսախարխուլ վիճակում է։ Այս եկեղեցու անվան, նրա կառուցման և վերանորոգումների մասին տեղեկություն հայտնի չէ։ Նիրգուդի եկեղեցին (նկ. 8), որը գտնվում է գյուղի կենտրոնում, հարթ տարածության վրա, երկար ծամանակ ամուշադրության մատնված լինելու պատճառով քանդվել է եկեղեցու ծածկի հարավային մասը, ավանդատների ծածկերը և այլ հատվածներ։ Նիրգուդի եկեղեցին նույնպես եռանավ բազիլիկա է, որի հորինվածքը բաղկացած է արևելյան կողմում գտնվող կիսաշրջանաձև խորանից, զույգ ավանդատներից և աղոթասրահից։ Աղոթասրահի չորս քառակուսի կտրվածքով մույթերով եկեղեցին բաժանվել է երեք մասի։ Ունի մեկ մուտք, որը գտնվում է արևմտյան ճակատում։

Նորակերտի եկեղեցու խորանը և ավանդատները լուսավորվում են արևելյան որմի մեկական մեղ պաքաձև լուսամուտներով, իսկ աղոթասրահը՝ հյուսիսային և հարավային որմերի նույնամասն երեքական լուսամուտներով և արևմտյան ճակատում, մուտքից վերև բացված մեկ լուսամուտով։ Այս ե-



Նկ. 8. Նորակերտի եկեղեցին

եկեղեցում առանձնակի նկատարարություն է ներկայացնում նրա խորանը, որի հատակը համահասկալի է աղոթարանի հատակին՝ մի հատկանիշ, որը բնորոշ է Հայաստանի վաղ միջնադարի եկեղեցիներին:

Նորակերտի եկեղեցու ինչպես ներքին տարածությունը, այնպես էլ արտաքին արտահայտությունը զուսպ է, առանց դեկորի: Դատելով եկեղեցու կառուցվածքից, կարելի է ենթադրել, որ այս հուշարձանի նախկին շինությունը կառուցված է եղել սովելի վաղ շրջանում, որը շրջակա բնակատեղիների հուշարձանների հետ վերանորոգվել է 17-րդ դարում: Նորակերտի եկեղեցու վերանորոգումից մեկի ժամանակ նրա հյուսիսային և հարավային ավանդատների մուտքերի ճակատներին որպես բարավորներ, տեղադրվել են մեկական քանդակա-

զարդ և վիմագրություն ունեցող խաչքարեր: Այդ խաչքարերը, որոնք ունեն մոտ 1,50 մ բարձրություն և 0,80 մ լայնություն, իրենց վրա կրում են հնաուն խաչերի քանդակներ: Ցավոք, եղծվել և աղավաղվել է արձանագրությունների առանձին տառերը:

Հյուսիսային ավանդատան մուտքի բարավորի խաչքարի քառանկյունի շրջանակի մեջ վերցված խաչի քանդակից վերև 5 տող՝

1 [թվ] չկթ (1320)

1 [կան]կ

3 (ն)եցաւ

4 ս(ուր)ք խ(ա)չս

5 Պարոն Լսին

